

## **Informacije o GMP trening centru?**

GMP trening centar se nalazi u novoj fabrici u Aleksandrovcu. Trening centar je posebno mjesto gdje svi polaznici mogu započeti svoje profesionalne karijere u svijetu proizvodnje namještaja. Centar je osmišljen kao spoj teorijskog znanja i praktičnih vještina, uz podršku iskusnih mentora. Cilj Trening centra je da obuči nove generacije tapetara, šivača, radnika na sklapanju drvenih konstrukcija i radnika na pripremi konstrukcija za tapaciranje, itd.

## **Kako izgleda obuka u GMP Trening centru?**

Polaznici će imati priliku raditi u realnim uslovima, koristeći modernu opremu i alate koji se koriste u proizvodnji namještaja. Naš pristup obuci zasnovan je na principu mentorstva, svaki polaznik će pored sebe imati stručnjaka iz GMP-a kao vodiča kroz proces učenja. Mentori nisu tu samo da podučavaju tehničke vještine, već i da prenesu vrijednosti koje su temelj uspjeha GMP-a: preciznost, posvećenost i timski duh.

Obuka je organizovana tako da kombinuje teorijski i praktični dio, pri čemu praktičan rad čini čak 80% programa. Polaznici će, kroz teorijske module, steći osnovna znanja o materijalima, mašinama i alatima, sigurnosnim procedurama, dok će praktične aktivnosti omogućiti da odmah primijene naučeno. Svaki radni profil ima prilagođene zadatke – tapetari će raditi na presvlačenju namještaja tkaninama, stolari će sklapati drvene konstrukcije, dok će radnici na pripremi konstrukcija učiti kako pravilno obložiti konstrukcije materijalima (spužva, koflin, filc) i pripremiti ih za tapaciranje, šivači će učiti kako da izrade presvlake za dijelove namještaja, itd.

## **Koji su benefiti za polaznike Trening centra?**

Polaznici će tokom obuke od 30 dana biti plaćeni, a imaće obezbjeđen i topli obrok i prevoz.

Po završetku obuke, svi polaznici koji budu uspješni će dobiti potvrdu o završenoj obuci, a najboljim polaznicima će biti ponuđena mogućnost zaposlenja u GMP-u.

## Kako će izgledati obuka za svaki profil pojedinačno?

### Tapetar za tapacirani namještaj

#### Moduli:

- **Uvod u tapacirani namještaj**
  - Upoznavanje s osnovnim pojmovima, alatima i materijalima (konstrukcija, spužva, tkanine, koža, itd.).
  - Upoznavanje sa modelima u proizvodnji
  - Sigurnosne mjere u radu.
- **Tehnike tapaciranja**
  - Tapaciranje u odnosu na složenost modela (osnove tapaciranja, izazovi, najčešće greške, itd.)
  - Montaža, korištenje klamerice i ljepila.
- **Praktičan rad i završni projekat**
  - Izrada kompletnog tapaciranog proizvoda uz nadzor mentora.

### Radnik na sklapanju drvenih konstrukcija

#### Moduli:

- **Osnove rada sa drvenim konstrukcijama**
  - Vrste drveta i materijala (MDF, šperploča, masivno drvo).
  - Upoznavanje sa modelima u proizvodnji
  - Osnovni alati i sigurnosne mjere.
- **Tehnike sklapanja**
  - Sklapanje okvira i konstrukcija prema radnim nalogima.
  - Korišćenje vijaka, ljepila i klamerice.
- **Kontrola kvaliteta**
  - Provjera stabilnosti i čvrstoće, tačnosti sklapanja.
  - Popravke i dorade.
- **Praktičan rad**
  - Sklapanje uz nadzor mentora i samostalni zadaci.

## Radnik na pripremi konstrukcija za tapaciranje

### Moduli:

- **Osnove pripreme konstrukcija**
  - Pregled i identifikacija potrebnih materijala (spužve, ljepila, koflina i filca).
  - Upoznavanje sa modelima u proizvodnji.
  - Upoznavanje s alatima i sigurnosnim pravilima.
- **Tehnike oblaganja spužvom**
  - Sječenje i prilagođavanje spužve, koflina i filca konstrukcijama.
  - Ljepljenje spužve, koflina i filca.
- **Završne pripreme za tapaciranje**
  - Finalni pregled obložene konstrukcije.
  - Priprema za predaju tapetarima.
- **Kontrola kvaliteta**
  - Provjera ispravnosti pripremljenog elementa.
  - Popravke i dorade.
- **Praktičan rad**
  - Obavljanje zadatka na stvarnim projektima.

## Šivač

### Moduli:

- **Uvod u šivanje tapaciranog namještaja**
  - Upoznavanje s osnovnim pojmovima, alatima i materijalima.
  - Upoznavanje sa modelima u proizvodnji.
  - Sigurnosne mjere u radu.
- **Tehnike šivanja**
  - Obuka kroz praktičan rad.
- **Kontrola kvaliteta**
  - Provjera ispravnosti šava.
  - Popravke i dorade
- **Praktičan rad i završni projekat (grupno)**
  - Izrada kompletnog seta navlaka za jednu garnituru od početka do kraja, samostalno i uz nadzor mentora.

## Q&A - Najčešća pitanja kandidata

### **1. Gdje će se održavati obuka?**

Obuka će se održavati u Aleksandrovcu, u novoj fabrici GMP-a.

### **2. Kada bi trebala početi obuka?**

Obuka bi trebala početi tokom marta 2025. godine.

### **3. Kako će se birati kandidati za obuku?**

Kandidate za obuku ćemo pozvati na razgovor/intervju i tim putem ćemo odabrati polaznike.

### **4. Da li će obuka biti u jutarnjim ili popodnevnim satima?**

To zavisi od polaznika, od toga kako su se polaznici izjasnili u upitniku, šta im najviše odgovara.

### **5. Koliko kandidata će biti primljeno na obuku?**

U prvoj generaciji polaznika, obučavaćemo 15-20 polaznika ukupno, odnosno za svaki profil 4-5 polaznika.

### **6. Šta će biti sa kandidatima koji ne budu primljeni na obuku?**

Kandidati koji ne budu pozvani na obuku u prvoj generaciji polaznika, biće razmotreni kao kandidati za drugu generaciju polaznika obuke koja bi trebala započeti tokom aprila 2025. godine.

### **7. Šta nakon obuke?**

Kandidatima koji budu pokazali izuzetan talenat i potencijal za industriju izrade namještaja, biće ponuđen ugovor o radu.

Svi polaznici koji uspješno savladaju obuku će dobiti potvrdu o završenoj obuci.